

آذربایجان قادینلاری

اؤلکه‌نین گله جیینین داوامی

ماهنی زنگانلی

تومروس، نیگار، هجر، سارا، جئیران ... نسلینین ائولادلاری نین بئلجه سس سیز سیخیلمالاری نه دهن دیر؟

ایندیسه لازیم دیر بیر آز اؤزوموزو زحمته سالیب چوخراق فیکیرله شک گئچکده بو بیر مسئلهدن ده واز کئچمه‌لی دئیل، تأسفله کچمیشه گؤره بیزیم ایندیکی فرهنگ میزده قادین لارا خورباخماق، اونلاری اینانماق، اونلاری بیر اوزگور اینسان قبول ائتمه‌مه‌ک، هابئله محدودلاشدیرماق و فرقلر حصاریندا سالماق بیر اصل اولونوب و بیزه بیرضعف نقطه‌سی ساییلیر، بئله بیر سویه ده بو قادین لاردان نه ایتتظار اولاییلر. اونلار نتیجه‌ده اوزلرینین ماراغی اولسادا باخیشلارین هابئله دالاقالمیش فیکیرلرین آستیندا ازیلیرلر و یاندیریب آلولاندیران سؤزلرین شیمیریر قاسی لا کؤزه چکیلیرلر. ائله بوماراقلی قادین لارین بویولدا چالیشمالار گؤره دفعه‌لرله اونلارا موختلیف مارک‌لار یاپیشدیریب اونلارین دانیشمالارین، حرکت‌لرین، چالیشمالارین، عائله‌لرین، فرهنگ‌لرین سورغویا چکیبلر و داها بونو دانماق اولماز، ایندیسه بیز سؤیله‌یین بو آذربایجان قادینینین سوچو نه دیر؟ هارادا دایانمالی دیر؟

بیچین چی قادین
اوراق الینده
چارقاد بئلینده
بیر تارلا بیتملی بوغدا
هؤر کلو ساچلی
گونش باخیشلی
باش ایبرلر قادینا
بلکه
قیرماسین
قول قانادین

گؤزلرین سجاده سین سَر قوی قیلیم هردن نماز
کیپرگیکن هر بیر تار ایله من چالیم ساز و نواز
گؤزلرین هر کاسه سینده ایچدیگیم زهره شراب
آچمیشام سجاده وی سیجده ائدم بهر نیاز
وئرمیشم آد سنی ایلر بؤیو من آغلامیشام
آج او کؤنلون اوخویوم ایلقاری کی یازدی آراز

آذربایجانین آن اؤنملی تاریخینده قادین لارین رول اوینادیغی عمومی موقعی، آناتلیق شرقی، عائله ناموسو، صاف محبت نمونه‌لری، فداکارلیق، دؤیونوش ایگیدلیگی خصوصیتلرینی، هابئله اونون ادبیاتدا اوینادیغی ناخیشین دفعه‌لرله بازماق ایله گؤستره‌ک و یئرینه یئترمه‌ک اولماز، آذربایجان قادین لاری ایل لر بویو بو اؤلکه‌نین نسلین هابئله گله‌جکین داوامینی تعیین ائده‌ن، ملی منلیک، کیملیگین داوامینی نسیلدن، نسیله، گئچک لندیرن دیرلر تورک خالقینی اینچینده مدنی لشمه متودلاری چوخ اسکی زامانلارا قایدیر.

بوتون تاریخ بویو آذربایجان حرکتینده، قادین لارین گؤرکملی رول لاری اولموش، هر هانسی سئویله نیلمیش ناغیلا آرتیق جدایت، احساس، هیجان باغیشلامیش لار.

تورک خالقیندا عائله‌نین اؤنمی و اخلاقی اولماسی اؤنملی اولاراق، قادین عائله اوچون قوروجو(اصل عضو) ساییلیر.

تورک خالقیمزایا ایل لر بویو قادین ملی منلیک، کیملیک مرکزی ساییلان، اورتاق قهرمانلیق اؤیردن صداقت، ناموس سمبولو، دوزگونلوک، شفقت، ایکید و ایکید بسله‌ین ائوسوزو دور.

دده قورقود داستانلاریندا رول اوینایان قادین لارین، ناخیشین هئچ داستاندا گؤرمک اولماز، کیشی ایله آروادین اورتاسیندا اولمایان فرقلر، بیریری بیرینی سئجه آزادلیغی، قادی نین ایگیدلییی آچققدان آچقغا بللی اولاراق، بو اؤلکه‌نین اوگونلو قباقلیل مدنیته شاهیددیر.

آذربایجان مللی، هابئله باشقا حرکتینده. قادین لارین ایزی گؤرکملی دیر. منده بیر آذربایجانلی قادین اولاراق، بئله نسلین ائولادی اولماغدا گوه‌نیرم.

رحمت‌لیک پروفیسور ذهتابی نین یارادان اثرلرینده. اونون دفعه‌لرله آذربایجان قادین لاری نین قباقلیل فیکیر، مدنیت‌لرینه توش گلیریک.

تورک دونیا سینا داخیل اولان، یادا تورک سئویلو خالق لارین مدنیت لرینی اورک اؤنونندن آنلایانلار آذربایجان قادین لاری نین مقامینی، اونلارین ایجتیماعی اولماقلارینی یاخشی آتیرلار. اما تأسفله ایندی بئله بیر پروسه‌نین سوروجولری نین گئریده قالمالارین شاهید اولموشوق.

آذربایجانین بوگونکو حرکتینده قادین لارین ایزی آز گؤرونرکن، منجه آنجاق اونلارین گئریده قالمیش آدیم لاری بیر آز یاریمچیلیق، هابئله اؤزلرینی بوحرکتده قیراغا چکمه‌لرینه دلالت ائدیر.